

67-2/20

UGOVOR o pružanju advokatskih usluga

zaključen u Sarajevu dana 05.02.2020. godine između:

1. **Direkcija za robne rezerve Kantona Sarajevo**, ulica Alipašina b.b. - Zetra, Sarajevo, koju zastupa direktorica Jelena Pekić mag. oec. (u daljem tekstu „Nalogodavac“) i
2. **Zajednička advokatska kancelarija Emina Saračević i Adis Gazibegović**, ulica Fra Anđela Zvizdovića broj 1, Sarajevo, koju zastupaju advokati Emina Saračević i Adis Gazibegović (u daljem tekstu: „Advokati“)

Član 1.

Advokati će Nalogodavca zastupati u sporu koji se vodi sa privrednim društvom „FARMACOP“ d.o.o. Čelić pred Općinskim sudom u Sarajevu pod brojem **65 0 Ps 825696 19 Ps**, u prvostepenom postupku, kao i u eventualnim postupcima po žalbi i reviziji (tj. u drugostepenom i trećestepenom postupku).

Član 2.

Advokati će savjesno i uz potpuno angažovanje, te primjenjujući najviše standarde struke, zastupati Nalogodavca u predmetnom sporu, a sve do njegovog potpunog okončanja. Međutim, Advokati ne garantuju za Nalogodavca pozitivan ishod predmetnog spora, pa shodno tome nemaju s tim u vezi nikakve odgovornosti prema Nalogodavcu.

Advokati će Nalogodavca izvještavati o napredovanju u obavljanju povjerenih poslova, te ga blagovremeno obavještavati o dokumentima i informacijama koji su im potrebni za uspješno vođenje predmetnog spora. Ukoliko se ne postigne drugačiji dogovor, Advokati nemaju obavezu da sami pribavljaju naprijed navedene dokumente i informacije.

Član 3.

Nalogodavac će isplaćivati Advokatima nagradu u visinama utvrđenim važećom advokatskom tarifom, na koji će biti obračunat PDV od 17%, nakon okončanja svake pravne radnje u predmetnom sporu, osim ukoliko ugovorne strane ne postignu drugačiji dogovor.

Član 4.

Nalogodavac će snositi sve troškove koji su nužni za vođenje predmetnog spora, tj. eventualnih sudskih taksi, nagrada za vještake, nagrade za prevode i dr., direktno ili ako to nije moguće u vidu predujma, a prema uputama Advokata.

Član 5.

Nalogodavac se obavezuje da će sve ispostavljene račune (sa eventualno uključenim troškovima) izmiriti u roku od 15 (petnaest) dana, doznakom na transakcijski račun Advokata naznačen na samom računu, računajući od datuma izdavanja računa.

Član 6.

Za sve međusobne kontakte i saopštenja ispred ugovornih strana ovlaštene su sljedeće osobe:

Za Nalogodavca: **Direktorica Jelena Pekić mag. oec.**

Za Advokate: **Advokat Emina Saračević**

Fra Anđela Zvizdovića 1

BiH-71000 Sarajevo

emina.saracevic@sgl.ba

tel.: 033/295-772

fax: 033/295-774

Advokat Adis Gazibegović

Fra Anđela Zvizdovića 1

BiH-71000 Sarajevo

adis.gazibegovic@sgl.ba

tel.: 033/295-773

fax: 033/295-774

Smatra se da je bilo koje saopštenje učinjeno samo ukoliko je učinjeno naznačenim osobama. Ugovorne strane su obavezne da obavijeste o promjeni navedenih podataka drugu ugovornu stranu i odgovorne su za posljedice koje bi zbog toga mogle nastupiti.

Član 7.

Ugovor važi do potpunog okončanja predmetnog spora, s tim što ga svaka od ugovornih strana može otkazati uz poštovanje otkaznog roka od 30 (trideset) dana.

Advokati su dužni za vrijeme otkaznog roka nastaviti pružati pravnu pomoć samo ako je potrebno da se od Nalogodavca otkloni kakva šteta, osim ako Nalogodavac nije imenovao drugog punomoćnika ili se preduzimanju tih radnji od strane Advokata izričito protivi.

Član 8.

Ugovorne strane saglasno utvrđuju da svaka izmjena ili dopuna ovog Ugovora, da bi bila valjanja i obavezujuća, mora biti napravljena u pisanom obliku i potpisana od obje ugovorne strane.

Član 9.

Ugovorne strane saglasno utvrđuju da je za sve eventualne sporove u vezi s ovim Ugovorom, koje ugovorne strane ne mogu mirno i vansudski riješiti, nadležan sud u Sarajevu.

Član 10.

Ugovor je sačinjen u 2 (dva) istovjetna primjerka, za svaku ugovornu stranu po 1 (jedan), te stupa na snagu datumom njegovog potpisivanja.

Broj: 02-25-67-2/20
Datum: 05.02.2020. godine

Broj:
Datum: 05.02.2020. godine



Nalogodavac:
Jelena Pečić mag. oec., direktorica

(pečat i potpis)

Advokati:

Emina Saračević, advokat

(pečat i potpis)

Adis Gazibegović, advokat

(pečat i potpis)



